



**ZAPISNIK O RADU 46. SJEDNICE  
KOLEGIJA GRADSKOG VIJEĆA GRADA SARAJEVA  
ODRŽANE 03.10.2023. GODINE**

Broj: 01-GV-02-1409/23  
Sarajevo, 03.10.2023. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Vedad Deljković, predsjedavajući Kluba gradskih vijećnika „Deljković-Simonović-Čengić“
5. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“
6. Adi Škaljić, predsjedavajući Kluba gradskih vijećnika Naše stranke
7. Muamer Mekić, predsjedavajući Kluba gradskih vijećnika Socijaldemokratske partije BiH
8. Enisa Spahić, zamjenica predsjedavajuće Kluba gradskih vijećnica „Enisa Spahić-Amra Zulfikarpašić“
9. Bajro Biber, predsjedavajući Kluba gradskih vijećnika „USD-BOSS“
10. Elvedin Korora, zamjenik predsjedavajućeg Kluba gradskih vijećnika „Korora/Skorupan“
11. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
12. Samir Bejić, predsjedavajući Kluba gradskih vijećnika „Danijela Šahat - Samir Bejić“
13. Mila Eminović, sekretar Gradskog vijeća

Sjednici je prisustvovala, po ovlaštenju Gradonačelnice, Aida Bajramović, sekretarka organa uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

**Jasmin Ademović, predsjedavajući Gradskog vijeća** je otvorio sjednicu u 14.15 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** Zapisnik o radu 45. sjednice Kolegija Gradskog vijeća, održane 25.09.2023. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** dnevni red 46. sjednice Kolegija Gradskog vijeća, tako da glasi:

1. Utvrđivanje Nacrta Programa rada Gradskog vijeća Grada Sarajeva za 2024. godinu
2. Predlaganje kandidata za članove „Odbora za dodjelu Šestoaprilske nagrade Grada Sarajeva“ za 2024. godinu iz reda istaknutih javnih djelatnika
3. Priprema za održavanje 32. sjednice Gradskog vijeća Grada Sarajeva
4. Tekuća pitanja



## **Ad1)**

### **Utvrđivanje Nacrta Programa rada Gradskog vijeća Grada Sarajeva za 2024. godinu**

Uvodne napomene podnio je **Jasmin Ademović, predsjedavajući Gradskog vijeća.**

Istakao je da su u Nacrt Programa rada Gradskog vijeća Grada Sarajeva za 2024. godinu uvrštene teme koje su dostavili subjekti utvrđeni u Poslovniku Gradskog vijeća Grada Sarajeva, da su prijedlozi dostavljeni članovima Kolegija Gradskog vijeća uz materijal koji se razmatra, da okosnicu Programa čine zakonske i statutarne obaveze, uglavnom sadržane u prijedlozima Gradonačelnice i radnih tijela Gradskog vijeća, kao i prijedlozi gradskih općina.

Podsjetio je da je obaveza Kolegija Gradskog vijeća, kao ovlaštenog predlagača Programa, da utvrdi Nacrt Programa i uputi ga Gradskom vijeću na razmatranje, te da je uz materijal dostavljen i prijedlog zaključka kojim bi Gradsko vijeće Nacrt Programa uputilo u javnu raspravu, a koji je, također, potrebno da Kolegij utvrdi i uputi Gradskom vijeću.

Predložio je da javna rasprava na Nacrt Programa rada Gradskog vijeća Grada Sarajeva za 2024. godinu traje do četvrtka 16.11.2023. godine.

Upoznao je članove Kolegija Gradskog vijeća da će sva radna tijela, u pripremi 32. sjednice Gradskog vijeća, razmatrati Nacrt Programa, te da i članovi Kolegija mogu uzeti učešće u razmatranju istog, putem radnih tijela.

Naglasio je da će poslije održanih sjednica radnih tijela, ponovno, biti održana sjednica Kolegija Gradskog vijeća, u ponedjeljak 16.10.2023. godine, kako bi se Kolegij, prije održavanja sjednice Gradskog vijeća, očitovao o mišljenjima radnih tijela.

Napomenuo je da su teme u Nacrtu Programa raspoređene po oblastima usklađenim sa novim Statutom Grada Sarajeva.

Podsjetio je da je ovo posljednji Program rada Gradskog vijeća Grada Sarajeva koji će biti realizovan u cjelini u ovom mandatu, te da su u Nacrtu Programa predložena dva gradska propisa koja bi bilo važno donijeti do kraja mandata, i to: Odluka o upravljanju vodotocima i Odluka o komunalnom redu, te sugerisao da Gradonačelnica u svom mišljenju na Nacrt Programa rada Gradskog vijeća Grada Sarajeva za 2024. godinu, prije sjednice Gradskog vijeća, dostavi analizu uticaja za donošenje ova dva propisa.

Član Kolegija Vedad Deljković je pristupio sjednici Kolegija u 14.20 sati.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** sljedeći **zaključak**:

1. Utvrđuje se Nacrt Programa rada Gradskog vijeća Grada Sarajeva za 2024. godinu i upućuje se Gradskom vijeću Grada Sarajeva na razmatranje (utvrđeni Nacrt Programa je u prilogu ovog zaključka).
2. Utvrđuje se Prijedlog Zaključka kojim bi Gradsko vijeće Grada Sarajeva utvrdili Nacrt Programa rada Gradskog vijeća Grada Sarajeva za 2024. godinu uputilo u javnu raspravu (utvrđeni Prijedlog Zaključka je u prilogu ovog zaključka).

## **Ad 2)**

### **Predlaganje kandidata za članove „Odbora za dodjelu Šestoaprilske nagrade Grada Sarajeva“ za 2024. godinu iz reda istaknutih javnih djelatnika**

**Jasmin Ademović, predsjedavajući Gradskog vijeća** je podsjetio članove Kolegija da je, u skladu sa propisanom procedurom, isticanja kandidata za Odbor za dodjelu „Šestoaprilske nagrade Grada Sarajeva“ u 2024. godini, potrebno utvrditi prijedloge kandidata ispred Kolegija te da se, tako utvrđeni prijedlozi upućuju Komisiji za izbor i imenovanja koja

utvrđuje Prijedlog Odluke o formiranju Odbora za dodjelu „Šestoaprilske nagrade Grada Sarajeva“ u 2024. godini i upućuje ga Gradskom vijeću na razmatranje i usvajanje.

Naglasio je da je bitno da se, u skladu s važećom odlukom, na 32. sjednici Gradskog vijeća, koja će se održati u mjesecu oktobru, donese Odluka o formiranju Odbora, kako bi Odbor mogao na vrijeme početi s radom.

Podsjetio je da su prijedloge, do održavanja sjednice Kolegija, dostavili:

- Klub gradskih vijećnika Deljković-Simonović-Čengić - prof.dr. Konjo Hadžan,
- Klub gradskih vijećnika Naše stranke - akademik Kemal Hanjalić, i
- Klub gradskih vijećnika USD-Boss - Murtić Mirsada, dr.sc.

**Jasmin Ademović, predsjedavajući Gradskog vijeća** je pozvao klubove gradskih vijećnika Naroda i Pravde i Socijaldemokratske partije BiH da, do održavanje 47. sjednice Kolegija Gradskog vijeća, koja se planira održati u ponedjeljak 16.10.2023. godine, dostave prijedloge za kandidate.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** sljedeći **zaključak**:

Sjednica Komisije za izbor i imenovanja, na kojoj bi se trebao utvrditi Prijedlog Odluke o imenovanju Odbora za dodjelu „Šestoaprilske nagrade Grada Sarajeva“ u 2024. godini, će se održati u utorak 17.10.2023. godine u 8.30 sati.

**Ad 3)**

**Priprema za održavanje 31. sjednice Gradskog vijeća Grada Sarajeva**

*a. Termin održavanja sjednice i dinamika aktivnosti u pripremi sjednice Gradskog vijeća*

**Aida Bajramović, sekretarka organa uprave** je upoznala članove Kolegija da će Gradonačelnica za 32. sjednicu Gradskog vijeća predložiti Izmjene i dopune Budžeta Grada Sarajeva za 2023. godinu, ali da će materijal biti dostavljen **u ponedjeljak 09.10.2023. godine**, sa čim su se članovi Kolegija saglasili.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** sljedeći **zaključak**:

- 32. sjednica Gradskog vijeća će se održati u **srijedu 25.10.2023. godine u Vijećnici** sa početkom **u 10.00 sati**;
- Predlagači će materijale dostaviti Predsjedavajućem najkasnije u **četvrtak 05.10.2023. godine do 12.00 sati** dok će Prijedlog Izmjena i dopuna Budžeta Grada Sarajeva za 2023. godinu dostaviti **u ponedjeljak 09.10.2023. godine**;
- Sjednice radnih tijela, u pripremi 32. sjednice Gradskog vijeća, će se održati **u sedmici koja počinje sa ponedjeljkom 09.10.2023. godine**;
- Pozivi gradskim vijećnicima za 32. sjednicu Gradskog vijeća će se uputiti najkasnije u **srijedu 18.10.2023. godine**.

*b. Praćenje realizacije Programa rada Gradskog vijeća Grada Sarajeva*

Konstatovano je odnosno zaključeno sljedeće:

Nacrt Programa rada Gradskog vijeća Grada Sarajeva za 2024. godinu **je spreman** i očekuje se da će biti uvršten u prijedlog dnevnog reda 32. sjednice Gradskog vijeća.

Izveštaj o primjeni Odluke o upotrebi grba, imena i isticanju zastave Grada Sarajeva, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 32. sjednice Gradskog vijeća.

Informacija o realizaciji projekta „SKYWALK – SARAJEVO EYE“, prema informaciji Gradonačelnice, **nije spremna** i neće biti uvrštena u prijedlog dnevnog reda 32. sjednice Gradskog vijeća.

Nacrt Odluke o korištenju i održavanju uređenih vodotoka na području Grada Sarajeva, prema informaciji Gradonačelnice, **nije spreman** i neće biti uvršten u prijedlog dnevnog reda 32. sjednice Gradskog vijeća.

Nacrt Budžeta Grada Sarajeva za 2024. godinu, prema informaciji Gradonačelnice, **nije spreman** i neće biti uvršten u prijedlog dnevnog reda 32. sjednice Gradskog vijeća.

Nacrt Odluke o izvršavanju Budžeta Grada Sarajeva za 2024. godinu, prema informaciji Gradonačelnice, **nije spreman** i neće biti uvršten u prijedlog dnevnog reda 32. sjednice Gradskog vijeća.

Prijedlozi odluka o priznanjima i nagradama će biti razmatrani na 32. sjednici Gradskog vijeća ukoliko Komisija za izbor i imenovanja, kao ovlaštenu predlagač, utvrdi prijedloge za priznanja i nagradu.

Nacrt Programa međunarodne saradnje Grada Sarajeva za 2024. godinu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 32. sjednice Gradskog vijeća, ukoliko Komisija za međunarodnu saradnju, kao ovlaštenu predlagač, utvrdi Nacrt Programa.

Informacija o saradnji između Grada Sarajeva i Svjetskog saveza dijaspore Bosne i Hercegovine, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 32. sjednice Gradskog vijeća.

Informacija o saradnji između Grada Sarajeva, nevladine organizacije „Naša perspektiva“ i Sarajevske regionalne razvojne agencije (SERDA), prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 32. sjednice Gradskog vijeća.

Nacrt Programa podizanja spomenika od značaja za Grad Sarajevo kojima je Grad Sarajevo investitor za 2024. godinu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 32. sjednice Gradskog vijeća.

Nacrt Odluke o podizanju spomenika ženi Sarajeva, prema informaciji Gradonačelnice, **nije spreman** i neće biti uvršten u prijedlog dnevnog reda 32. sjednice Gradskog vijeća.

Informacija o saradnji i odnosima Grada Sarajeva i vjerskim zajednicama i crkvama, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 32. sjednice Gradskog vijeća.

Informacija o implementaciji Plana djelovanja za mlade, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 32. sjednice Gradskog vijeća.

*c. Teme planirane Programom rada Gradskog vijeća Grada Sarajeva za 2023. godinu, a koje nisu realizovane u periodu januar - septembar*

Informacija o procesu donošenja Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) za period 2015.- 2035. godina i obaveznoj primjeni mjera zaštite ventilacionih koridora, prema informaciji Gradonačelnice, **nije spremna** i neće biti uvrštena u prijedlog dnevnog reda 32. sjednice Gradskog vijeća.

Informacija o stanju mostova u Gradu Sarajevu, prema informaciji Gradonačelnice, **nije spremna** i neće biti uvrštena u prijedlog dnevnog reda 32. sjednice Gradskog vijeća.

Informacija o stanju grobalja u Gradu Sarajevu, prema informaciji Gradonačelnice, **nije spremna** i neće biti uvrštena u prijedlog dnevnog reda 32. sjednice Gradskog vijeća.

Prijedlog Odluke o podizanju Spomen – obilježja civilnim žrtvama rata Kantona Sarajevo, prema informaciji Gradonačelnice, **nije spreman** i neće biti uvršten u prijedlog dnevnog reda 32. sjednice Gradskog vijeća

Informacija o realizaciji Projekta revitalizacije uređenja platoa ispred bivše zgrade kasarne „Jajce“, prema informaciji Gradonačelnice, **nije spremna** i neće biti uvrštena u prijedlog dnevnog reda 32. sjednice Gradskog vijeća.

Informacija o realizaciji projekta sanacije zacjevljenog Bistričkog potoka, prema informaciji Gradonačelnice, **nije spremna** i neće biti uvrštena u prijedlog dnevnog reda 32. sjednice Gradskog vijeća.

Prijedlog Odluke o podizanju spomen-ploče Aidi Buturović, prema informaciji Gradonačelnice, **nije spreman** i neće biti uvršten u prijedlog dnevnog reda 32. sjednice Gradskog vijeća.

#### *d. Novi prijedlozi*

**Aida Bajramović, sekretarka organa uprave**, je upoznala članove Kolegija da će Gradonačelnica za 32. sjednicu Gradskog vijeća predložiti i sljedeće materijale:

Prijedlog Odluke o ustupanju na privremeno korištenje motornog vozila marke mercedes benz sprinter

Prijedlog Odluke o davanju saglasnosti gradonačelnici Grada Sarajeva za potpisivanje Sporazuma o saradnji između Opštine Bar, Crna Gora i Grada Sarajeva, Bosna i Hercegovina

Prijedlog Odluke o davanju saglasnosti gradonačelnici Grada Sarajeva za potpisivanje Memoranduma o razumijevanju između Grada Sarajeva, Bosna i Hercegovina i Grada Annapolisa, Američka Savezna Država Maryland

Izmjene i dopune Budžeta Grada Sarajeva za 2023. godinu

**Jasmin Ademović, predsjedavajući Gradskog vijeća** je upoznao članove Kolegija da će, za 32. sjednicu Gradskog vijeća, predložiti za razmatranje Informaciju o realizaciji Projekta osnivanja naučno-istraživačke infrastrukture “Tech4Green”.

S tim u vezi predložio je da Kolegij usvoji zaključak kojim će zatražiti od Pravobranilaštva Grada Sarajevo da uz Informaciju dostavi svu dokumentaciju vezanu za objekat Vidikovac, a kojom Pravobranilaštvo Grada Sarajevo raspolaže.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno, je usvojio** sljedeći **zaključak**:

Kolegij Gradskog vijeća traži od Pravobranilaštva Grada Sarajevo da u pripremi Informacije o realizaciji Projekta osnivanja naučno-istraživačke infrastrukture “Tech4Green”, koja će se razmatrati na 32. sjednici Gradskog vijeća, dostavi svu dokumentaciju vezanu za objekat Vidikovac, a kojom Pravobranilaštvo Grada Sarajevo raspolaže.

U raspravi koja je uslijedila učestvovao je **član Kolegija Seid Škaljić**.

Članovi Kolegija su se saglasili da se na 47. sjednicu Kolegija Gradskog vijeća, koja će se održati u ponedjeljak 16.10.2023. godine, pozove Pravobranilac Grada Sarajevo, a kako bi odgovorio na pitanja članova Kolegija i dao pojašnjenja vezana za dalje aktivnosti na objektu Vidikovac.

**Ad 3)**

**Tekuća pitanja**

**Jasmin Ademović, predsjedavajući Gradskog vijeća** je informisao članove Kolegija Gradskog vijeća da je formiran novi Klub gradskih vijećnika „Deljković-Simonović-Čengić“.

\*\*\*\*\*

**Jasmin Ademović, predsjedavajući Gradskog vijeća** je upoznao članove Kolegija da je zaprimljen zahtjev Vildana Husomanovića, člana Odbora za informatiku i telematiku Gradskog vijeća, za uputu o proceduri podnošenja ostavke te informisao članove Kolegija da je Husomanovića, u ovo radno tijelo, predložio Klub gradskih vijećnika Naroda i Pravde.

\*\*\*\*\*

Mirela Džehverović, zamjenica predsjedavajućeg Gradskog vijeća je pristupila sjednici Kolegija u 14.36 sati.

\*\*\*\*\*

**Jasmin Ademović, predsjedavajući Gradskog vijeća** je podsjetio članove Kolegija da je uz poziv za sjednicu Kolegija dostavljeno Mišljenje Vlade Federacije Bosne i Hercegovine na inicijativu za Izmjenu Ustava Federacije Bosne i Hercegovine, kao informativni materijal.

\*\*\*\*\*

U raspravi o aktivnostima Odbora za organizaciju obilježavanja 40. godišnjice ZOI 1984 učestvovao je **član Kolegija Adi Škaljić**, a pojašnjenja je dao **Jasmin Ademović, predsjedavajući Gradskog vijeća**.

\*\*\*\*\*

Član Kolegija Toni Vukadin je pristupio sjednici Kolegija u 14.39 sati.

\*\*\*\*\*

**Aida Bajramović, sekretarka organa uprave** je informisala članove Kolegija da su u pripremi Nacrt Odluke o jednokratnim pomoćima i Nacrt Odluke o izdvajanju sredstva iz Budžeta Grada Sarajeva nevladinim organizacijama, te da postoji mogućnost da Gradonačelnica i ove nacрте odluka dostavi za razmatranje na 32. sjednicu Gradskog vijeća.

\*\*\*\*\*

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.45 sati.

*SEKRETAR GRADSKOG VIJEĆA*

*Mila Eminović, s.r.*

*PREDSJEDAVALJUĆI GRADSKOG VIJEĆA*

*Jasmin Ademović, s.r.*